

- **Termins: 13.10.** Festa dai ministronc – **27.10.** Prejentaziun dal liber sora signor Franz Agreiter – **10.11.** Festa dla racolta – **17.11.** Festa dai iubilei da noza.
- **Messes:** les messes co ven dites te nosta ploania **pó ma gní apostades a La Pli (!)**, le **dedolönesc** do messa (pa signor ploan) o la **domegna** do la gran messa (pa n member dal Consei pastoral), dagnora tal ofize **te calogna alta ete.**
- **Bati:** al gnará motü jö n calender con i termins olá che al ven bacé; le proscimo sará ai 15 de dezember 2019.
- **Pröm vendres:** le prim vendres dal mens ne sarál da sera plü degüna messa, mo al gnará tigní na Zelebraziun dla Parora de Dio o en n'atra funziun liturgica. La poscibilitè da se pissié sará porchel sen la jöbia denant ales 19:00, canche al ven ince dit la corona por perié do vocaziuns.

1 enformaziuns y termins

Edemes dla sanité 2019: i Conseis de Formaziun da Al Plan, La Pli y Rina ves envieia ales serades de referac co ven motüdes a jí tai trei paisc dai 30.09. ai 11.10.2019:

- **Lönesc, 30.9** ales 20:00 tal salf dla Cassa Raiffeisen a **AI Plan**; "Zero Waste - Ein Haushalt ohne Müll, ist das möglich?". Ref.: Maria Lobis Zanotti
- **Dedemesaledema, 2.10** ales 20:00 tal salf dles manifestaziuns a **Rina**; "Burn-out Kids - Eine Gesellschaft im Optimierungswahn?". Ref.: Angelika Pezzi
- **Vendres, 4.10** ales 20:00 tal salf dles manifestaziuns a **La Pli**; "Genießen erlaubt, aber richtig! Wissen, verstehen und umsetzen!". Ref.: Ruth Niederkofler.
- **Lönesc, 7.10** ales 20:00 tal salf dles manifestaziuns a **La Pli**; "Pó demanco ince ester deplü?". Ref.: Christian Ferdigg
- **Dedemesaledema, 9.10** ales 20:00 tal Salf dla Cassa Raiffeisen a **AI Plan**; "Chaos im Kopf. Depressive Verstimmung, Burn out oder Depression". Ref.: Ivano Simioni
- **Vendres, 11.10**, ales 20:00 tal salf dles manifestaziuns a **Rina**; "Entgiftung - Regeneration - Abnehmen. Ist Intervallfasten wirklich die Lösung?" Ref.: Christine Pförtl.

Ciasa de Palsa: la Ciasa de Palsa Ojöp Freinademetz envieia düc a n domisdé de aorela cörta con musiga, café y val de duc por festejé deboriada le de dai seniors. I s'aspetun en vendres, ai 4 d'otober ales 15:00. Ales 16:30 gnará daorí la mostra "Cun Cura" motüda a jí deboriada al Frauenmuseum de Hittisau, co reverda la tematica dal guern a dla cura. Döta la popolaziun é der bel enviada.

Comun: enformun che l'ofize dles cultes é sen tla pröma alzada. Por chi co ess da adoré ciamo sac por roé l'ann é periés da s'ai prenoté al ☎ 0474 503760 o por e-mail a margareth.rubatscher@comun.mareo.bz.it ensciö vegnai belo arjgnés ca.

Döt le bun a:	Jep Willeit	* 01.10.1935
	Rosa Rindler ved. Trebo	* 01.10.1936
	Carolina Canins Valentini, <i>Badia</i>	* 02.10.1929
	Carmela Olivotto	* 03.10.1938
	Teresa Palfrader ved. Ellecosta	* 05.10.1935
	Franz Kastlunger	* 05.10.1944
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA
www.unitepastorala.org

Ann C

29.09.2019 - 26. domegna ia por l'ann

n. 44

Beac os, ch'i eis sen fan, deache i gnareis pasciontés. Alleluia!

📖 Am 6, 1a.4-7 | 1 Tim 6, 11-16 | Lc 16, 19-31

Dal Vangelo do San Lúca:

Te chel tomp á Gejú dit: ¹⁹Al ea n iade n el rich, co se iestia de purpur y lin fin y viea da de a de, s'la godenn y s'la denn bona. ²⁰Mo dan la porta dal ricun él ponü n püre el, co á ennom Lázarus, dal corp plen de plaies. ²¹Al s'ess ienn paré la fan con ci co tomâ jö de mesa dal ricun. Cinamai i cians gnea a ti leché söes plaies. ²²Do che le püre ea mort, él gnü porté dai angeli tal gremo de Ábraham. Ince le rich é mort y é gnü sopelí. ²³Tal somonn olach'al gnea tormenté da n gran dolor, ál ciaré sö y odea dalunc Ábraham, y Lázarus te so gremo. ²⁴Danló ál scraié: Pere Ábraham, menete pice de me, y orcieia Lázarus jö da me; al dess almanco tocé la piza de so deit t'ega y mo renfresché la lenga, deache cösc fú mo tichinea. ²⁵Ábraham ti á respognü: Mio möt, ponsa do, che t'as belo dertan töa vita ciáfé töa pert de ben, Lázarus endere ma de stlet. Sen vegnel consolé por chel, tö endere messes patí. ²⁶Emplü él danter nos y os n fossé der sot co ne se lascia nia passé ia, tan che degügn ne sciafia da roé da atló ia da os, no da danló ca da nos, gnanca sc'an oress. ²⁷Spo á dit le ricun: Porchel te preii, pere, orcele tla ciasa de mio pere! ²⁸Deach'i á ciamó cin' fredesc. Al dess i amoní, ch'ai ne röi nia ince ei te cösc post de tortöra. ²⁹Mo Ábraham ti á dit: Ai á Mosé y i profec, ai dess ascuté chi. ³⁰Al á respognü: Na, pere Ábraham, ma sce önn dai morc röa ia da d'ei, se convertiarái. ³¹Sön chera á Ábraham dit: Sc'ai n'ascuta nia Mosé y i profec, ne se lasciarái gnanca mazé ete de creie, sce önn ressoresc dai morc.

Oraziun dal de

Periun! Gran Idio, tö manifesteies töa potenza dantadöt tal pordené y tal sconé: tolesse sö te töa grazia ince sc'i sun ciariés de colpa, deidesse arjunje le travert de nosc tru y roé tla gloria dal ci. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.



📖 Letöres dla 27. domegna ia por l'ann:

Aba 1, 2-3; 2, 2-4 | 2 Tim 1, 6-8.13-14 | Lc 17, 5-10

Edema liturgica dai 29.09. ai 06.10.2019

DOM 29.	26. domegna ia por l'ann de mondial dai migranc y profugs <i>Arcangeli Michiel, Gabriel y Rafael</i>
08:30	gran messa por dōta la ploania <i>oferta por i migranc y profugs</i>
10:00	3. s.m. de sopoltōra por † Eduard Maneschg, † Angelo Ellecosta y corona dla comunité <i>s.m. a Al Plan</i>
Lön 30.	<i>larone, Urs y Viktor, Sofia</i>
07:30	<i>s.m. a Al Plan</i>
Ded 01.	<i>Tarejia dal Bambin Gejú (da Lisieux), Roman, Remigio, Werner</i>
07:30	s.m. en onú de Santa Maria dal Bun Consei y Sant'Antone abat s.m. por † Pasquale Winkler, Rara
Dem 02.	<i>Sanc Angeli Custodi, Petrus, Hermann y Jakob</i>
18:00	<i>s.m. a Al Plan</i>
Jöb 03.	<i>beat Josef Mayr-Nusser, Cristina, Irmgard - de d'oraziun do vocaziuns</i>
→ 19:00	corona do vocaziuns → poscibilité da se pissié
19:30	s.m. por † Jep Palfrader, Mone, s.m. por la pêsc
Ven 04.	<i>pröm vendres - festa de San Francesch d'Assisi, Mauro</i>
→ 19:30	signor ploan va a proveder zelebrazion dla Parora de Dio
Sab 05.	<i>Sabeda de Santa Maria, Faustina Kowalska, Meinolf</i>
07:30	s.m. por †† Burchia, Val, s.m. por † Jep Rovara, Plans
12:30	s.m. en onú de S. Maria dal Bun Consei s.m. da noza dai nüc Edith Ellecosta y Freddy Sottara
DOM 06.	27. domegna ia por l'ann SEGRA DAL ROSARE <i>Bruno, Renato, Isidor, Adalbert</i>
08:30	gran messa ciantada en onú de Santa Maria por dōta la ploania 3. s.m. de sopoltōra por † Carlo Ploner y corona dla comunité
14:00	espi da festa y prozesciun en onú de Santa Maria fora Brach
10:00	<i>s.m. a Al Plan</i>
<i>ampola:</i>	do intenziun
<i>ministronc:</i>	▶ da doman y domegna: Maria E. y Samuel ▶ da sera y domegna: Cecilia y Johanna
<i>i recordun:</i>	Agnese Ellecosta ved. Erlacher + 29.09.2017 Anna Pedevilla + 30.09.2012 Paul Erlacher, Sorafurcia + 01.10.2017 Maria Mellauner, Tront + 05.10.2009



L'èssi pö salpü denant! (Lc 16, 19–31)

I ponsi do

L'atacamont ala richeza fej ch'i ne s'anadun nia dles iniustizies y ne se lascia nia meter en pratica le comandamont dal amur.
Al é na iustizia co sta sora dōtes: al é chera de Chelbeldio.
I orun soghé – sen che al é ciamó adora assá - desch'al alda la partita de nosta vita y se meter dala pert dla solidariedé, dla generositá, dal dert y dal iüst!

I preii ensciö

Signur, te metes tal gremio de Abramo sön paraisc duc chi co á sofrí por la cativeria y l'iniustizia dles porsones. Tö, Gejú, es present te Lazaro, le petler sonté dan porta dal gran palaz, te Moamed, le jonn marochin co chir onestamonter laur y ne le ciafa nia, te Maria, na nosta ijina lasciada sora da duc.
Con tan de ennoms che an podess ciamó arlungé cōsta lista: de chi miliuns y miliuns de porsones co damana do val' da mangé, co chir la pêsc y n tet; dai miliuns de mituns co aspeta do amur y cures, de engrömun de jont sora döt le monn pūra tal corp y tal spirit. Sce nos ne sun nia ciamó bogn da fá val' por duc chisc: fále tö por os nos y no lascé sozeder ch'i gnunse desco le rich tal Vangelo!

Walter Cazzaniga, Parola amica – Il Vangelo della domenica per ragazzi



Vita de ploania y de paisc



Le Signur é mia löm y mia salveza. (Salm 17)

La ploania á tut comié da **Angelo Ellecosta** (+ 22.09.2019, 94 agn) y ti fej les condolianzes ai familiars por la mort dal fre y berba. La vita eterna dáí, Signur, y confortele con to lominus!



A tü fedei, Signur, ne ven la vita nia tuta, mo trasformada.

La ploania á tut comié da **Carlo Ploner** (+ 24.09.2019, 82 agn) y ti fej les condolianzes ai familiars por la mort dal om, pere, nene y fre. Che le Signur toli sō sōa anima te sōa abitaziun de ligreza y pêsc!



«Sc'i s'orun bun önn al ater, romagn lido te nos, y so amur é te nos perfet.» (1 Jan 4, 12b)

La ploania i fej les miús aodanzes de benedisciun y fortuna ai nüc **Edith Ellecosta y Freddy Sottara** co se dá adöm tal sacramont dal matrimone en sabeda ai 05 de otober a La Pli.